

清初稀見方
略四種汇编

平定朔漢方略

下冊

中国文献珍本丛书

清初稀见方略四种汇编

丛书主编 李竞
整理 吴丰培
责任编辑 刘燕远
出版 全国图书馆文献缩微复制中心
发行 新华书店北京发行所
日期 一九九三年十二月
定价 二六〇元
印数 二〇〇部

親征平定朔漠方略卷之二十七

七月乙卯朔

皇長子胤禔奏

聞遵

旨頒行之事。胤禔奏言臣於五月十九日。留駐拖

陵。八旗兵漢軍火器營兵到後。宣

父皇旨。

親征平定朔漠方略卷之二十七

一

諭領兵大臣曰。八旗大臣。皆朕簡用人員。是役也。噶

爾丹不能抗威。聞風而遁。諸臣雖不得與之戰。

然嚴轄官兵。不擾害沿途居民。不酗酒搶奪橫

行。愛養馬匹。小心牧放水草佳處。不盜刈田禾

餵飼馬匹。不踐踏田地。不遺棄一人一騎。俱令

全歸。此卽伊等効力之事也。如橫行搶奪。遺留

人馬。斷不輕恕。諸臣奏曰。蒙

聖上慈養隆恩。原欲遇噶爾丹。捨身報効。仗

聖上天威。賊人聞風而遁。臣等不獲立功。謹記

聖諭。竭力行事。於是給伊等到邊七日口糧。其到京

之米。令于成龍算給。已遣行訖。丹巴哈什哈

等家口到後。酌量撥給牛羊帳筮什物。又恐

到張家口後。糗糧有誤。自于成龍處取銀五

百兩。交侍郎西喇。小心押護而往。暫駐張家

親征平定朔漠方略卷之二十七

二

口外候

旨。已遣行訖。遣行之時。丹巴哈什哈等叩頭奏曰。

臣等之來降也。曰昔嘗來使。蒙

皇上厚恩。臣等思僥倖偷生。是以來歸。不意

聖上免我誅戮。

賜坐賜茶。大加恩眷。又

命查臣等妻子兄弟家人。使之完聚。又以天時炎

暑使之暫居張家口外。自拖陵起行之時。牛羊米麪帳釜什物。無不賞給。臣等皆萬死之人。乃出自望外。加以

隆恩使得其所。祈速令進京。畱之

御前効力。以完臣等之心。又遵

旨行文于成龍等。將有病僕從。撥車裝載回京。後畱步行僕從。給之飯食。用其力。使挽車回京。

其因馬匹傷損。畱下盔甲等物。俱裝上空車

帶歸。其護軍驍騎執事人員。竟無馬者。各給

馬騾一匹。使之乘坐遣行。又宣諭八旗大臣

之時。諸大臣兵丁。歡呼而言曰。在京時。蒙

聖上人給肥馬四匹。重加賞賚而出。臣等毫無効力

之處。又恐臣等乏馬。至於步行。撥給馬匹。天

高地厚之

恩。歿身難報。叩頭稱謝。歡聲震營。五月二十六日。奉

旨令臣速歸。以糧務交明珠于成龍。隨行文將糧

務交明珠于成龍訖。臣軍中前鋒內府護軍

執事人員。無馬者。酌取于成龍馬騾。使之乘

坐起程。臣沿路而來。查視邊外貿易之蒙古

俱不爭競。市易和平。竝無恃強買賣者。滿洲

蒙古。皆大歡悅。各驛遵

旨。以飯與米。供給病人。及後畱步行僕從。皆口有

所食。身有所倚。咸謂蒙

父皇之恩。得以重生。靡不歡忭。臣二十三日。入邊之

後。見沿途遵

旨。備香齋湯。梅湯。官兵僕從。人得飫飲。竟不傷暑。

皆懽呼曰。

皇上俯恤臣僕無所不周。我等何以圖報。皆遵法不敢踐踏田禾。略不擾害百姓。地方老少皆稱頌曰。凡大兵所過。無不踐踏田禾。擾害地方者。今統萬萬兵馬而行。路旁田禾。略不踐踏。小民什物。毫不侵犯。

聖上仁愛兵民。至於此極。誠亘古之所未聞。永見也。踴躍歡呼。成羣結隊。排列香案。稽首謝

恩。

上報聞。且以示所司。

喀爾喀公蘇泰伊爾登

獻俘。蘇泰伊爾登奏言。遵

旨。與大將軍擊敗噶爾丹。俘哈什哈二人。獲鳥鎗

一桿。甲一領。羊三百。請以上獻。

上受所獻甲鳥鎗及二人。還其羊。

丙辰。員外德兒格爾等查報。分給西路兵糧

事。理藩院奏言。員外德兒格爾報稱。職於六

月二十六日。到歸化城。二十七日。都統阿喇

納亦到。問之。阿喇納據云。西安兵綠旗兵。東

古兵。俱已遣回矣。又問之曰。目下俱到何地。

米於何地接濟。阿喇納云。西安兵綠旗兵。六

月二十八日。二十九日間。可到歸化城。喀爾

喀諸王之兵。扎薩克喀爾喀達爾漢親王諾

內本身及兵。已到所居之地。至大鄂爾多斯

三吳喇忒毛明安之兵。俱向其所居之地而

去。今蓋已到矣。米則未嘗接濟我軍。右衛護

軍統領費揚固云。我等至拖諾。給我右衛兵

及西安兵。綠旗兵。俱八日糧。自此得食。至察

罕俄布。又蒙

皇上令鍾申保運米來迎。相遇於察罕腦兒。已給我軍。又西安佐領沙濟云。我等在前隊副都統巴林軍中。聞副都統西爾哈達親身領兵。自翁金起程。隨我軍之後。陸續而來。爲此報部。謹以奏。

聞。又鄂禮奏言。臣奉

旨。六月二十八日。到歸化城。右衛護軍統領費揚

《聖定初選略卷之三》

七

固西安副都統巴林。領納喇特一路兵而來。

問之。據云。我等自拖諾別大將軍費揚古。而

趨納喇特之路。曾領八日糧而來。西安兵於

六月初三日。到納喇特。初四日。過納喇特。右

衛兵於六月初七日到納喇特。初八日。過納

喇特。我軍在此路。並未得糧。蒙

皇上軫念。遣御史鍾申保。以米來迎。西安兵至歸化

城一百六十里外。巴顏俄博地方。與之相遇。

遍給官兵。右衛兵至歸化城二百里外。西里

巴賴地方。與之相遇。亦遍給官兵。奏至。

上曰。此事交戶部尚書馬齊。將德兒格爾報文。一併

發大將軍。朕恐兵丁乏糧。故預發米爲備。著彼

將本路運米情事具奏。

垂喇克扎木素格隆有罪。發部拘禁。先是差

《聖定初選略卷之三》

八

垂喇克扎木素格隆。賁

勅追授噶爾丹。五月十四日。至圖喇。見大兵擊敗

噶爾丹。噶爾丹遁去。是以垂喇克扎木素格

隆。任副都統阿南所。求爲彼代奏。至是。隨將

軍馬思喀兵回京入奏。

上曰。此喇嘛差往噶爾丹。不到而回。著拘禁。

戊午。侍郎西喇。以噶爾丹去向來奏。西喇奏

曰奉

旨問丹巴哈什哈曰

上今使喀爾喀車陵扎上等七台吉根敦帶青阿爾薩圖衛塞桑等率兵追討噶爾丹不知噶爾丹何往爾等之意云何丹巴哈什哈慙都察罕西達爾哈什哈等曰我等之意以爲噶爾丹更無他往必投達賴喇嘛去矣其所以

聖定親錄卷之三

九

不他往者昔窩齊爾圖車陳汗之子噶爾旦本已之女阿海原與策旺喇卜灘議婚康熙十八年娶阿海至不配策旺喇卜灘噶爾丹自取之二十七年居和卜屯時策旺喇卜灘之弟索諾木喇卜灘在噶爾丹所沒後策旺喇卜灘率兵五千而逃噶爾丹率兵二千追之及之于布克他厄冷哈必爾罕之地問策

旺喇卜灘曰爾何所恨而來策旺喇卜灘曰

我原議婚之妻阿海爾取之我親弟索諾木喇卜灘爾殺之又恐殺我故畏懼而來既有是語噶爾丹至烏闡布通後策旺喇卜灘盡收噶爾丹之妻子人民而去又有是讐是以策旺喇卜灘所不可往也若圖爾古特之阿玉奇所有讐人窩齊爾圖車陳汗之弟在道

聖定親錄卷之三

十

既遙遠而阿玉奇之女又嫁策旺喇卜灘是以阿玉奇所亦不可往也噶爾丹與俄羅斯差人貿易而已原不相好往俄羅斯之路有洪郭壘及罕二道罕之路有明安特忒稜古特諸人在伊等俱係讐人是以俄羅斯不可往也噶爾丹向達賴喇嘛之去路哈密雖係讐人有噶爾丹屬下回子在青海左側有番

于二千家在噶爾丹如向達賴喇嘛而去。則青海諸台言雖不畱之於其地。然亦不沮之。如得到達賴喇嘛地方。則噶爾丹與第巴甚好。且噶爾丹於喇嘛存日。居班禪庫圖克圖。所謂唐古特國之托卜察一城人。乃噶爾丹前生尹咱庫圖克圖時之徒弟。故使爲屬下。有征賦之人在。沿途可得馬匹糗糧。而無沮之之人。丹濟喇丹津俄木布如與噶爾丹同在一處。斷不相離。必偕往達賴喇嘛處也。聖上今遣人率兵追討噶爾丹。其獲噶爾丹與否。何從知之。但收離散者問之。自得噶爾丹去向實音也。

上報聞。

使給厄魯特降人。熬都等夥伴口糧。侍郎西

喇奏言。噶爾丹降人熬都等夥伴二百四十三口。六月二十七日。至張家口外十八里臺地方。已併入丹巴哈什哈等。其噶爾丹降人授六品官阿水呼朗之父母。五歲之妹。俱令與丹巴哈什哈等。一同暫居張家口外。俱交郎中滿圖左翼四旗察哈爾官員訖。看得熬都等夥伴。食米已完。方今奉

聖上平定朔方略卷之三

十一

聖上平定朔方略卷之三

十一

諭給發丹巴哈什哈等夥伴口糧。則熬都等夥伴阿木呼朗之父母。亦應給口糧。請仍交滿都。以張家口倉中所貯之米。計口頒給。

上報聞。

已未。喀爾喀台吉賓圖等。克察哈爾軍籍。內大臣索額圖等。會同理藩院奏言。喀爾喀伊兒登卓禮克圖之子賓圖等。去年。在圖獵

之地。告請從軍効力。今年又奏請從軍。乃遷延不赴。誑詐之罪。殊爲可惡。應將賓圖等四台吉。及獨石口外所在三百五十二口。一併俱交內務府發薪者庫使當苦差。

上免其沒入內庭。查下五旗察哈爾丁壯缺少者。編附隊伍。著令披甲。

庚申。

命檄探西路回軍及糧運聲息。

上諭大學士阿蘭泰等曰。王善巴請安使人來。問以西路遣回之兵。副都統西爾哈達之兵。及西路所運之米。爾等曾遇見否。言我軍勝翁金駐扎回軍及糧運。無所聞見。未知遣回之兵。西路所運之米。已到何地。著兵部理藩院行文奉差探聽。官員作速探實。如身不能馳馬。明白備文。交

驛星速報部。

欽大將軍費揚古查駐軍。開糧事務。議政大臣。曰。先是費揚古報西路大兵已回喀倫。

會報本

旨。著費揚古留兵一千駐劄科圖。俟薩卜素到後。費揚古回京。遣將軍舒恕侍郎滿丕乘驛往歸化城。查明回軍給糧安插。降人諸務在案。今費

揚古疏內。但稱俟薩卜素到科圖後。領兵回

京。舒恕滿丕乘驛往歸化城去矣。至回國王阿卜都里什特。厄魯特台吉塞冷扎卜。米爾桑等一千九百三十四口內。降後復逃。偷盜馬匹。情罪可惡。正法者一百四十三人。烏爾本一百四十八人。扎薩克達爾漢親王喀爾喀。王昆都倫博碩克圖王等。各扎薩克

蒙古邊汛來降者五百五十九口。已使彼各自防守安插。又認出五品官鄂欣兄弟三十口。將此除去。其餘男婦幼穉共八百九十八口。給以二十日糧。交解丹巴哈什哈之侍郎西喇等語。而薩卜素未到科圖之間。將喻成龍之米。如何截給其軍。所給之米幾何。其所發回綠旗兵。西安滿兵。西爾哈達兵。運米之

聖定親王略卷之七

五

車。今已如何。並未奏明。且薩卜素領兵千人。暫駐科圖。倘喻成龍等之米。已過其地。而復運回。必致歧悞。應檄費揚古逐一詳查速奏。上從之。

命給小民供應草料飼養馬駝價值。且免次年租賦。戶部奏銷宣化府喂養三旗馬駝草料。

上准行外。又

諭曰。近者朕親統大軍出征。聞宣化府喂養三旗馬駝急需草料。俱預派龍門赤城蔚州小民供應。先用草豆。後給價值。恐小民不能如數支領。著該撫委地方賢能官查明。照價估給。務令小民得沾實惠。以副朕愛惜小民至意。此地之民。並未嘗有畏急需。人皆勉力供應。修大兵行道。亦甚勞苦。殊可憐憫。爾等誌之。至冬月蠲免諸

聖定親王略卷之七

六

處次年錢糧。

辛酉內大臣明珠等報糧致西路大兵。又上

言稱

賀明珠等奏曰。前奉

上諭云。西路大兵來會。需糧甚急。今發內廐駝三頭馬百匹。諸王大臣官員再助馬駝。交運米官。作速前運。西內大臣明珠往克勒河朔住扎。

米到隨助馬馳使之運往其未到之米頻加催
趲留侍郎阿爾拜於克勒河朔俟劉體等所運
之米一千一十九石麪八千斤陸續到後隨將
軍馬思喀之兵而往著帶兵部之馬三十一匹
前去駐扎克勒河朔將按察使劉體等運往
之米一千七十石零麪七千斤零使侍郎阿
爾拜及員外達賴雅圖等押迎大兵已經撥
給翰林院編修宋大業等陸續運往米二千
七十石零俱經撥給兩路大兵運至拖陵之
米共三千五百八十石零麪一萬八千二百斤
零已給兩路大兵一千二百四十九石零仍
剩米一千六百石零此米已運回察罕腦兒
矣自拖陵至察罕腦兒各驛所貯米一萬三
百四十四石零自滾腦兒至和爾博各驛所

貯米七千五百九十三石零其米一萬七千
九百三十七石零此米俟督運中路大兵糧
務都御史于成龍等給米事畢之時另行報
銷至

上駟院駱駝三十頭馬百匹內以駱駝十七頭
馬二十一匹交都司丁延祥用以運米駱駝
八頭馬四匹交守備申天祉用以運米所剩
駱駝五頭馬七十五匹俱交理牧羣事副都
統達禮善諸王大臣官員捐助駱駝十六頭
馬驛三十一匹及侍郎阿爾拜帶去兵部之
馬三十一匹俱交劉體用以運米臣見沿途
喀爾喀大小諸人俱言此番
皇上親統大兵深入敵境勦滅噶爾丹自此以後北
方無事我諸蒙古俱長享安樂我等之大贊

大怨得以伸泄。此皆

聖上親臨之大恩所致也。如

聖上不親臨。斷不能一舉而即能如是大創之也。踴

躍歡呼。舉手加額。向

闕稽首。又

大賚喀爾喀汗諸扎薩克王貝勒台吉。及坐塘鑿

井修道台吉官兵。諸蒙古言爲彼之事。

聖歷平定剿擒方略卷之三

九

皇上煩駕出征。反勞我等。加之

隆恩。無不感戴稱頌。恐西路大兵乏糧。發

上駟院馬駝。又令諸王大臣官員捐助。催中路

之米。運致西路。大兵得以接濟。無不懼。感

戴

皇恩。又以大兵凱旋。軫念小民。恐踐田禾。

申諭再三。復畱大臣官員彈壓。故田禾略不踐踏。

又每驛留米爲食。以飼落後病人。下逮僕從。

無一人傷損。又遣官沿途備香湯梅湯。以

飲官兵。下逮僕從。略不傷暑。

皇上諸事具舉。下至纖悉。無不周詳。籌畫。故兵民僕

從。歡聲載道。天心和順。雨水時調。今歲麥秋

豐稔。田禾茂美。欽惟

皇上以噶爾丹乘間抵隙。犯我北邊。計安生民而發

聖歷平定剿擒方略卷之三

十

大兵。諸王大臣奉

皇上之廟算。誘賊已至。網羅而不能誅之。愾怒殊甚。

數年悒鬱。去歲噶爾丹掠納木札兒陀音進

巴顏烏蘭。將掠喀爾喀。在彼窺伺。

聖上赫然震怒。思一舉而掃滅之。

躬統大兵而出。噶爾丹驟聞

聖駕親臨。魂飛魄散。不能抗拒。其內自亂。中夜遁走。

皇上率大兵追至拖諾。噶爾丹窘迫。棄其器物。狼狽奔逃。

皇上廟謀既定。指授復詳。爲勦滅計。遣費揚古等兵。遇而擊勦之。每事恰中。

睿算。略無稍異。北邊萬里之外。無復纖梗。永遠安樂。功成於百日之內。

詔旨所頒。數千里之事。洞燭於目前。

聖歷定朔漢方略卷之十七

主

御駕深入敵境數千里。如行無人之地。臣等考之史冊。未有如

皇上之謀勇俱全者也。臣等欽惟

皇上功高二帝。

德邁古今。擴前人所未擴。亘古未入之版圖。悉

收爲內地。平時念切民生。宵衣旰食。屢免錢

糧。遂使富足。訓練士卒。增置火器。整飭營壘。

以是兵皆精銳。所向無敵。臣等愚劣不能記憶。

皇上神功事蹟。疏內開載不盡。幸逢

聖世。恭遇凱還。誠懼誠忭。稽首頓首上奏。

上報聞發所司。

癸亥。以降人厄魯特綽克圖巴圖爾等。歸併

丹巴哈什哈安插。理藩院奏言。安王馬爾渾

聖歷定朔漢方略卷之十七

主

解到降人厄魯特綽克圖巴圖爾唐古特察

桑等。問之。據云。我等來降者。有莽奈哈什哈

尹什登哈什哈都喇圖巴圖爾班單哈什哈

察桑札爾呼齊什奔達爾漢察桑蘇穆齊札

爾呼齊阿哈雅札爾呼齊胡什哈札爾呼齊

畢力克札爾呼齊等。皆厄魯特杜爾伯特之

阿兒達爾台史之孫。台吉車陵之屬下人。特

來歸

聖上。今王先遣我兩人來備

皇上之詰問。我弓箭手一百十八人。喇嘛四人。婦女

童穉五十四人。共一百七十六口。爲此奏

聞得

旨。著給綽克圖巴圖爾唐古特。寨桑。茶飯衣服。著

員外舍稜。帶此兩人。赴安王所。令酌發此降人

親征平定朔漢方略卷五十七

三

厄魯特內。配以蒙古兵。收服厄魯特之離散者

其厄魯特降人家口。著舍稜好爲防護。遷至張

家口外。與丹巴哈什哈等。一同安插。沿途給伊

等口糧。小心帶來。駐劄後。照常給以口糧。員外

舍稜入請

訓旨

諭曰。爾往收撫厄魯特離散之人。可帶喀爾喀公

車木楚克納木札兒衛徵諾顏阿玉什蘇尼特

薩瑪札王之子台吉多爾濟思喀卜。博木布貝

勒之次子台吉蘇達尼等前往。與爾偕行之兵

可令伊等酌選帶去。鄉導汪舒克博羅。俱上等

鄉導。可帶此二人而往。爾帶此厄魯特。至張家

口外。歸併丹巴哈什哈西達爾哈什哈一處安

插。帶丹巴哈什哈等之夥伴內。有識認噶爾丹

親征平定朔漢方略卷五十七

四

等者一人。到安王所。選王護衛強幹有功者。二

人前往。以綽克圖巴圖爾交王。令王撥護衛。將

綽克圖巴圖爾夥伴。沿途給之糧米。好爲看顧

解來。與丹巴哈什哈等。一同安插。爾帶唐古特

寨桑等去之時。視其內強幹者。再選二人帶往。

爾到喀倫後。傳諭衆喀爾喀札薩克云。厄魯特

離散之人。有往爾等旗下地方者。嚴查解理。滿

院如聞侍讀學士喇什歸信爾等卽回勿得前往。

以西路餘米

賞給王善巴等七旗議政諸臣奏曰據兵部員

外常明疏稱臣常明到巴顏布喇克地方問

王國昌喻成龍等曰糧運如何已到何地能

接濟回軍否所設驛站如何王國昌等言我

記在平定喇嘛奏略卷之三

五

等前遣辛保范承烈等運往二千七百石米

內以二百石零追送大兵及之於圖喇外一

驛已經分給所餘二千四百石零運至翁金

外烏什欣驛從納喇特之路前往因驛已撤

不知能濟給回軍否我等管運米一千八百

石已到察奇爾馬克臺俄兒金呼圖克地方

回軍不從此路來是以將此米運回喀倫一

日或行十里或行十五里我等所運米內給

牛羊牧羣人察哈爾兵總兵康調元標下綠

旗兵一千五百石零外現在喀倫地方之米

共四千一百石零其餘俱因車壞牲疲不能

運回俟續奏請

旨又大將軍費揚古撤驛文到六月初七初八等

日陸續將驛站盡撤矣

記在平定喇嘛奏略卷之三

五

上曰王國昌等所運之米俱到吳喇忒喀倫地方應

將此米卽於彼地附近給王善巴旗下及達爾

漢親王諾內三吳喇忒毛明安四子部落旗下

著議政大臣議議曰

命以王國昌等所運之米賞給王善巴等旗兵丁

乃愛養外藩非常之

恩應將現在四千一百石零之米令計運往人員

歸來之日支與口糧其餘查明王善巴等七旗佐領數目兵丁數目均攤分給給米之時應差理藩院司官二員監發

上從之

命于成龍喀拜駐劄喀倫給糧李鈞回京理事議政諸臣奏言于成龍疏稱駐劄喀倫大兵臣身及侍郎李鈞通政使喀拜三人內應畱何

起征平定剿擒方略卷之十七

聖

人給發兵糧何人赴京銷算米數查車上牲口料理挽車人夫發回綠旗兵事務伏候

上裁

上命議政大臣會議議曰應畱喀拜於喀倫給將軍舒恕之軍糧事畢回京令于成龍李鈞在察罕腦兒等處地方料理糧務事畢回京料理未完之事

上命于成龍喀拜畱喀倫給糧李鈞作速回京料理未完事件

督理運務于成龍奏報捐助駝馬騾數目及撥給事議政大臣奏曰據于成龍疏稱共計捐助馬騾一萬一千六百九匹駱駝六百三十頭臣親收交三省官員總於一處攪雜喂養後因運米車重奏請每車給牲口四匹牽挽五千輛各加一匹給過五千匹增造車五百輛給過二千匹給過兵部馬一千匹給過八旗兵丁馬騾二千餘匹撥給牲口時俱自各牲口中攪雜選給至所助駱駝六百三十頭所剩馬騾一千六百餘匹與各部院八旗江南等省大臣官員所助牲口贖罪人牲口攪雜一處共備取四千七百餘匹於密雲縣

親征平定剿擒方略卷之十七

天